

Resolución numero: 8
Asunto: O diftongo –ia-

Testo de a resolución

S'atorgará preferenzia normatiba á ras formas con diftongo –ia-, fren á ras formas con diftongo –ie-, en o caso en que bi aiga coesistencia de as dos, más que más cuan as formas rematen en –a (ye dezir cuan se produze o fenomeno de a metafonía): *miarla, babiaca, zibiaca, niata, mialca, murziacalo, liastra*, aunque considerando as formas con o diftongo –ie- como no incorreutas: *babieca, nieda, mielca*. Manimenos no ye consellable primar as formas con –ia- cuan se trata de formas locals, poco estenditas u no debitas á o fenomeno de a metafonía: *biallo, yarba, quiasto,...* en que se consella emplegar as formas chenerals con –ie-: *biello, yerba, quiesto, ...* Por atro costato, se consella emplegar as formas en –ie- cuan son as unicas rechistratas u as más esparditas.

Chustificación

Parixe consellable primar as formas en –ia- por estar as más típicas de l'aragonés, más que más cuan se da o fenomeno de metafonía bocalica (influyenzia de a bocal zaguera en o timbre de bella bocal anterior), tal como mos contrimuestra ra toponimia: *Ardiquiacha, Carriata, ...*, fren á *Badiello, Muriecho*.

Bibliografía

Se beiga sobre isto o treballo de Chusé Inazio NABARRO GARZÍA [pendién de publicaziún].